



TOSHKENT DAVLAT YURIDIK UNIVERSITETI REKTORINING B U Y R U G ' I

24.11.2023

715-tm-son

Talabalarga ijtimoiy ta'minot pullarini ajratish to'g'risida

O'zbekiston Respublikasi Vazirlar Mahkamasining 2020-yil 21-noyabrdagi "Yetim bolalar va ota-onasining yoki boshqa qonuniy vakillarining qaramog'idan mahrum bo'lgan bolalarning ijtimoiy himoyasini yanada kuchaytirish chora-tadbirlari to'g'risida" 739-son va 2022-yil 16-avgustdagi "Oilaviy bolalar uylari to'g'risidagi nizomni tasdiqlash haqida"gi 451-son qarorlari hamda Toshkent davlat yuridik universiteti rektorining 2023-yil 9-fevraldagi "Toshkent davlat yuridik universitetida tahsil olayotgan yetim bolalar va ota-onasining yoki boshqa qonuniy vakillarining qaramog'idan mahrum bo'lgan talabalarning ijtimoiy himoyasini yanada kuchaytirish chora-tadbirlari to'g'risida"gi 25-um-son buyrug'ida belgilangan vazifalar ijrosini ta'minlash Toshkent davlat yuridik universitetida tahsil olayotgan yetim bolalar va ota-onasining yoki boshqa qonuniy vakillarining qaramog'idan mahrum bo'lgan talabalarning ijtimoiy himoyasini yanada kuchaytirish, ular uchun zarur shart-sharoitlar yaratish hamda Toshkent davlat yuridik universitetida talabalarga pul nafaqalari hamda oziq-ovqat mahsulotlari, kiyim-bosh, poyabzal va boshqa buyumlar, shuningdek, transportda yurish kartochkalari hamda bitiruv nafaqasini berish yuzasidan murojaatlarni o'rganish bo'yicha doimiy faoliyat yurituvchi Ijtimoiy ta'minot bo'yicha ishchi guruh yig'ilishining 2023-yil 6-noyabrdagi 2-son yig'ilish bayoniga muvofiq,

BUYURAMAN:

1. Toshkent davlat yuridik universiteti Ijtimoiy ta'minot bo'yicha ishchi guruh yig'ilishining 2023-yil 6-noyabrdagi 2-son yig'ilish bayoni ma'lumot va ijro uchun qabul qilinsin.
2. Ishchi guruh bayoniga muvofiq ilovadagi jadvalga asosan talabalarga Ijtimoiy ta'minot pullari butun o'qish davri mobaynida 2023-yilning sentabr oyidan boshlab hamda 2023-2024 o'quv yili uchun O'quv, ilmiy va badiiy adabiyotlar (kitoblar) xarid qilish uchun mablag'lar to'lab berilsin.
3. Buxgalteriya (M.Parpiyev) ilovadagi jadvalda nomlari ko'rsatilgan talabalarga Davlat budjeti mablag'lari hisobidan o'rnatilgan tartibda Ijtimoiy

ta'minot pullari hamda O'quv, ilmiy va badiiy adabiyotlar (kitoblar) xarid qilish uchun mablag'larni to'lab berilishini ta'minlasin.

4. Birinchi prorektor A.Xashimhonov:

belgilangan miqdordagi pul mablag'larini talabalarga o'z vaqtida to'lab borilishini nazorat qilsin;

Ma'naviyat va ma'rifat markazi (Sh.Po'lotov) hamda fakultet dekanlari tomonidan talabalarga ko'proq huquqshunoslik yo'nalishidagi o'quv va ilmiy adabiyotlar, O'zbekiston Respublikasi kodekslari, kodekslarga sharhlar, talabalarining intellektual salohiyatlarini oshirishga va mushohada qilishga xizmat qiladigan detektiv yo'nalishdagi badiiy adabiyotlarni xarid qilish bo'yicha tushuntirish ishlarini olib borilishini nazorat qilsin;

talabalarga adabiyotlarni xarid qilish jarayoni ular hamda O'zbekiston yoshlar ittifoqining Toshkent davlat yuridik universitetidagi boshlang'ich tashkiloti Yoshlar yetakchisi U.Sobirov bilan birgalikda amalga oshirilishiga e'tibor qaratsin.

5. Universitet rektorining quyidagi buyruqlari o'z kuchini yo'qotgan deb hisoblansin:

2021-yil 11-oktabrdagi 08-281-son;

2022-yil 17-yanvardagi 7 um-son;

2022-yil 31-martdagi 75 um-son;

2022-yil 27-noyabrdagi 08-230-son;

2023-yil 28-apreldagi 63 um-son.

6. Fakultet dekanlari (Sh.Saydullayev, D.Kamalova, B.Musayev, D.Umarxanova) ta'minot pullari to'lab berilayotgan talabalarga o'qishi davrida homiy yoki vasiy tayinlangan taqdirda bu to'g'risida Ijtimoiy ta'minot bo'yicha ishchi guruhga bildirgi kiritgan holda ushbu talaba (lar)ning ijtimoiy ta'minot pullarini to'xtatish choralarini ko'rsin.

7. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Direktor

SH.PO‘LOTOV



Kelishildi:

Bosh buxgalter

M.PARPIYEV



Moliya-iqtisod ishlar bo‘yicha
prorektor

A.IMINOV



Katta yuriskonsult

A.TURSUNOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

SH.SAYDULLAYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo‘lgan)

D.KAMALOVA



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

D.UMARXANOVA

